

22.914
283

班禪大師東來十五年大事記

陳文鑑居士編著

班禪大師東來十五年大事記

大法輪書局發行

34276



民國三十七年十月一日出版
班禪大師東來十五年大事記

全一冊

編著者 陳文鑑

發行者 蘇慧純

發行處 大法輪書局

上海(四)南京西路一四五一弄十二號
(舊名 哈同路慈厚北里十二號)

The Maha Dharmachakra Book-store

No. 12, Lane No. 1451 Nanking

Road West Shanghai, China.

太虛大師紀念集（第一輯）

陳法香編

大師爲佛教一代宗師，本般若深慧，而發爲宏廣之悲願，以種種方便，苦心孤詣，闡揚佛教，利濟人羣。佛說：「我不入地獄，誰入地獄！」若大師者，可謂身入地獄而弘濟度，實中國近代佛教之唯一大師也。獨恨衆生福薄，大師竟於三十六年三月十七日示寂，羣生眼滅，四衆悲仰，爰將諸方紀念禮悼之見於報章者，編爲大師紀念集第一輯，後再搜羅，當續出二三四……輯，匪特以慰信衆之情，抑亦文獻保存之一法歟？

弘一大師永懷錄

夏丏尊編

弘一大師乘願降世。現種種身。爲翩翩之佳公子。爲激昂之志士。爲多才之藝人。爲嚴肅之教育者。爲戒律精嚴之頭陀。以種種方便而作佛事，攝化甚廣。本書撰者數百人。爲文以仰慕者。或爲師之氣宇。或爲師之才藝。或爲師之德行。全書分六輯。都二萬餘言。插銅版圖大師遺像兩幅。係陳抱一豐子愷二氏手筆。凡景仰大師及愛好文藝者。不可不閱是書。

弘一大師人間愛晚晴


夏丏尊等

『人間愛晚晴』，人皆知爲佳句。自弘一大師自號『晚晴老人』後，衆口流傳，益有不朽之概。本書集紀念大師之佳作若干篇，即以此名句爲書名。以人人愛晚晴之心紀念大師，師之遺愛入人之深可知。人佳，句佳，書名佳，而書之內容之佳更可知已。

印光大師永思集

陳海量編

全國佛教四衆大德數百人撰述。極有價值。全書十餘萬言。插有銅鐸版圖八幅。



序

余於民國十八年即從 班禪大師遊，聽其言論，觀其行爲，對於國家之忠誠，人民之慈愛，莫不與古聖先賢之道相吻合，是乃近代不可多得之宗教家而兼政治家也。其言其行，應有記載以示後人。陳君文鑑手編「班禪大師東來十五年大事記」，書成索序於余。余不文，未能有所闡發，僅書所感如此，期讀者注意焉！

中華民國三十一年夏許崇灝謹識

自序

夫事有起因，積久成果，雖曰事在人爲，而環境上之力，固亦未可忽視也。念四年夏，余隨班禪大師寄寓於青海塔爾寺，行轅祕書室同人，除按期編輯西陲宣化使公署月刊，郵送京處印行外，并決議由本室同人分工合作，彙編班禪大師全集，期抵藏後出版。當時余被推担任大師東來十五年大事記。餘如；演講集，傳法錄，達賴略歷，班禪略歷，……等則由劉祕書長家駒暨解永昭、王任邦、黃學安、曾理學，王鈇文、劉宗基諸先生分任之。迺因征途稽延，時作時輟。念七年由玉樹抵甘孜，忽焉三載，而余所任之大事記，迄未完成，僅搜集材料，粗告備具耳。

斯秋考試院長戴傳賢奉派蒞甘致祭，與護送專使趙守鈺均相繼返渝復命。余因久離家園，頓思東歸。時行轅同人多爲余留行以助成大師全集者。余亦眷眷於此工作，而不忍即行拋棄。乃相約攜渝整理，俟繕正後，再交與京處保管，或逕寄送行轅。不意滯留陪都，倏又四載。而瑣事倥傯，執筆無暇，久要之忘，殊滋慚慙！

三十年夏，劉祕書長家駒來自西甯，謂他稿多已遺失，而此稿幸存，可告無憾！力促余早日編就，并囑代校其他各稿，以期完成全集，藉了宿願。乃假北陪溫泉公園，費時匝月，方將諸稿理成。而重慶市區，迭遭轟炸，印刷公司，多已損失，且爲人力物力所限，不能接

受巨帙，祕書長乃囑先將余稿付印，將合諸分冊而成爲全部著作也。

竊念自念四年夏發起編纂，迄今已逾七載，拙編始克誕生，而能得預斯文之商討者，則僅劉君與余二人而已！惟斯編乃全集之一部分，爲避免重複計，對於演講及電稿等，除關係重要者，不得不錄外，其餘均註明載某欄，以便閱者之查考。

又故都北平一詞，在十七年前，則書北京，以後則稱北平，非於一書一地，故作二名，以亂閱者之目，實因尊重時代之改革，用見潮流演進之史蹟。再白靈廟，百靈廟，原係一地，均爲貝勒廟之訛音，非一地而有三名也。此編因隨時人稱謂，未加釐正，尙希閱者注意。

本編自十二年冬班禪大師離札什倫布起迄念六年十二月於玉樹結古寺圓寂時止，其間共歷十五年代，在國內各地傳經說法，呼籲停止國內戰爭，倡導世界和平，凡有關政教合作，國族團結，邊疆建設者，莫不一一搜集，力求詳盡。至派員致祭，送靈返藏，建塔紀念，乃政府善後處理，恕不贅及。

查十八年以前，所有漢文案卷，因卓錫不定，行杖時移，多告遺失。而大師在東蒙各盟旂出入數次，誦經宣化，厥功至偉。是項史料，甯可缺略？不得已乃徵諸隨從人員之口述。如解科長永昭、陳廚官學禮等，廣事徵詢，巨纖必載。而劉祕書長亦提供所知，并參證十八年後文卷中有關部分，西爪東鱗，久延時日，始克成裘。然掛一漏萬，缺憾難補。爲永昭信史起見，不敢妄事擬附，以欺閱者。如有錯簡，甚盼明瞭當時詳情者，不吝賜教，惠予補

充，俾將來有所更正。不惟編者竭誠歡迎，即大師在天之靈，當亦同感。海內賢達，幸垂教焉。

至班禪行轅方面，慣用藏歷，與農曆月日，稍有差異。有時兩日作一日，如閏月；有時跳過一日，如小月。除有數條，載明農曆外，其有時間記載不詳，或國歷藏歷互用，致生參差，在所難免。敢請參閱劉家駒君所著之第九世班禪史要，用資對證。

復次本編蒙許老公武惠賜撰序，王老介忱代為校正黃君次書代為披閱，均附誌謝！

民國三十一年壬午端節草於陪都野貓溪客舍江蘇蕭縣陳文鑑謹識

介紹 班禪大師全集

西康劉家駒居士擇譯歷代班禪原傳，並親侍第九世班禪在各地宣化經過暨重要函電演詞傳法錄等，輯為此集，為研究邊政不可多得之資料。由中國邊疆學會（重慶南岸玄壇廟南園及南京江蘇路八號）發行。

班禪大師羅桑圖丹曲吉尼瑪東來十五年大事記

肅縣陳文鑑著

民國十二年癸亥十一月十五日，班禪大師因受達賴座下職員逼迫，率侍從堪布，旺堆諾布等一百餘人，離札什倫布寺，經藏青河，到子葱雪野。前藏派咨本龍蝦率兵千餘名，追趕大師，因雪封山，未能追及，外蒙孝珠堪布及蒙古王公等，來迎於瑪格，歡宴大師及隨員等，并請求開示長壽佛灌頂。大師旋派代表，赴西甯致候鎮守使馬騏。從茲班禪大師之法施遍揚於東土矣。

★

★

★

民國十三年甲子三月二十日，大師到甘肅所屬之安西縣，縣長陸恩泰歡迎至縣政府，款待一週。當時本擬經草地逕赴北京。嗣以陸洪濤督軍電呈大總統曹錕，奉復電令派陸縣長爲護送專員，沿途護送到肅州，吳鎮守使留住三日，竭誠招待。旋繼續前進，經甘州涼州，馬廷勳鎮守使及各地官民，均有熱烈歡迎。陸督軍并備黃緞八抬大轎派員來接。

農曆五月五日，在平番縣政府過端陽節，稍事休息。派蘇本堪布羅桑堅贊辦理前站，九日始達蘭州，駐錫於雷壇寺，遂傳授綠度母長壽佛灌頂法，蘭青各地活佛喇嘛多來膜拜。法會畢，時當夏末，天氣炎熱，乃赴蘭垣名勝新倫山寺避暑，開筵多誦長壽經，與四衆結緣，

勾留匝月，仍返雷壇。督署每日發給招待費三百元，蒙藏僧俗來闕頂禮者，絡繹不絕。每逢加措之期（放頭之意），輒以萬計。時或出遊，禮儀均極隆重，法幢啓止，必鳴炮九響，并有儀仗相隨護。

旋奉大總統曹明令冊封「致忠闡化」四字，并賜金冊印。

九月上旬，奉命晉京（北京），由陸縣長及李適芬任護送專員，行至平涼，張兆鉀鎮守使出郊迎迓。時因北政府賄選問題，釀成內亂，初以江浙之星星戰火，遂至燎原而成為直奉之戰。前途不靖，乃在平涼住二十餘日，陸督關懷綦切，迭電請回，大師未允，以入覲情切也。時前方劉鎮華、胡景翼兩軍，鏖戰方烈，大師派羅桑楚臣齊丹增二人前往交涉，幸以大師遠臨，關係國族團結至巨，暫許停戰，大師因得前進。陸恩秦專員送至長武，即回甘肅復命。至邠州，住半月，該縣縣長因避戰禍遠逃，幸地方紳耆出而招待，極為週到。李適芬隨帶騎兵數百名護送至乾縣，因接近劉胡戰區，亦率隊而返。迨至醴京縣，胡軍長景翼迎接大師及堪布等至城內，優予款待；其他隨員與載運公物大車二百餘輛，均置諸城外。城內居民老幼均遷移他處，各商店住滿士兵，此為胡、劉兩軍對峙之最前線，而殺人盈城盈野之戰區也，今以慈雲戾止，驟將黑暗地獄，化為莊嚴世界，若胡軍長者，於戎馬倥傯之際，而能禮佛，實有足多者。芻馬一宿，詰朝啓程，暮宿化寺。該地原住胡軍，因被劉軍包圍，士兵死亡，積屍纍纍。大師到時，方將死尸堆積大殿內，外用亂草，將門窗封閉，以示清潔。大師

白泉

素具慧靈，立即感覺，遂率隨從喇嘛，誦經一夜，以事超荐，在大師慈悲在抱，固已了願而隨緣，在該陣亡諸將士，亦可謂千載一時，得其所矣。

次日經咸陽過河，遂達西安。劉督軍鎮華，率隊迎接於城門之外，因戰事未告結束，時刻猶存戒心。寓城內八仙菴旬餘。督軍公署，備函贈送隨員羅桑堅贊等一等金色獎章七座，三等銀色獎章三座，并各附執照一紙。時正民國十三年十二月十日也。

奉天督辦張作霖，兩湖巡閱使吳佩孚，因政見不合，將起戰爭，大師於月之二十八日，分別去電調解。并分電武昌蕭耀南督辦；開封岳維峻督辦，出任調停。當時奉軍業已入關（九月四日入關援盧永祥，時奉、皖與民軍合作倒直系），張作霖十五日復大師電，謂已一再退讓，大局或有和平之望。蕭耀南十八日復大師電，略謂：奉軍果班師出關，聯軍決不願以兵戎相見。請大師在京，出任調停。同時復接馮玉祥、岳維峻、李景林等各方表示贊助之電。大師遂於二十五日（或作廿九日），通電全國各部院各省市各軍民長官轉各幫辦會辦，各總司令各司各軍長各護軍使各鎮守使各師旅長各法團各報館呼籲和平，并詳闡善惡果報，以相警勸。

大師旅居西安之時，日擊內戰繼續不息，曾於二十九日通電全國，勸息內爭，永縣國祚，（稿載電報欄），一時黨政軍教諸聞人，孫中山、張作霖、盧永祥、胡景翼、孫傳芳、王聘卿、熊秉三、孫慕韓、汪伯唐、趙次珊、王幼山、黎宋卿、徐菊人、梁任公、嚴範孫、張

敬堯、孫伯蘭、吳子玉、康更生、岑雲階、章太炎、張季直、譚祖蔭、胡展堂、陳競存、齊燮元、韓紫石、蕭耀南、李景林、閻錫山、吳俊陞、蔡鍔、劉鎮華、陸洪濤、楊增新、楊森、鄧錫候、劉禹九、鄭士琦、吳光新、劉甫澄、唐紹儀、趙倜、章嘉呼圖克圖、錫林果勒盟、蘇尼特右旗、和碩杜陵、親王德穆楚克棟魯普、中華教育改進社，均有電響應，主張和平。

北政府電促入京，劉督軍派員送至潼關，過風陵渡，而渡河之船隻二十餘艘，已經妥爲預備，上插黃旗爲標幟。既渡河，閻錫山督軍復派宋道尹用汽車迎往太原，駐錫傅公祠。

★

★

★

民國十四年乙丑一月十七日段執政電請大師從速進京。

農曆正月下旬，段祺瑞執政派章嘉土官兩呼圖克圖，及段公子等，赴太原歡迎大師蒞京。於二月初二日由太原起程。路局特備花車，以黃緞結彩於車之門窗，配以五色電燈，倍覺華麗莊嚴。到北京後，佳錫中南海內之瀛台；每日由國庫撥款四百元，以爲支應；并備黃色汽車迎送。蒙古各王公僧俗來膜拜者，源源不絕；懇求受無量壽佛灌頂者，無日無之，而多則五六次，少則一二次，供養之盛，得未曾有。

一月二十七日，復瀾後會議函云：

恭維善後會議諸大君子，抱治國之才能，俱無量之智慧，班禪敬以數言貢獻於下：

此次奉執政電召與會，某於二月一日以前未能親到，派大堪布羅桑代表，俟後親到面爲詳言，值此齊集開會之初，第一要緊爲何事？某以爲已往做大官秉權者，每以小嫌，釀成大怨，致起兵爭。喪軍民之生命，耗國家之金錢，其原因皆由做大官秉權者自私之一念。今後盡釋前嫌，化除我見，將是己非人，輕公重私之病，均改悔了，只是一心，想中國往好處走。自然五族共和，人同此心，使財政富足，人民安樂，想諸君子對此自有良謨。某以爲善後諸事，以諸大君子同心誠意，化除我見爲基礎，自然容易辦理。譬如無垢白布，自易受染；又如果生於樹，人爭摘果，傷及樹根，則枝葉枯而果亦不產。更如同舟共濟，乘客職業各異；思想各異；而希望此船安全渡過之心則無異。何獨對於國家而不然？是故此次之會議，乃國家之公事，非一人一家一黨一派一地方之私事。各本公心，通盤計畫，福國利民，實係乎此。先以奉告，餘俟續陳。謹備哈達一幅，以申祝禱。諸維垂照諒察，毋任企仰！」

二月一日在北京開善後會議，整理軍事財政，及籌議建設方案，并擬組織國民代表會議，解決國家根本大法，電請大師參加。斯時大師在五台山傳授綠度母長壽經灌頂法，給僧俗摩頂。乃派羅桑堅贊出席善後會議，并提出消弭戰禍，實行五族共和一案，內容比喻新穎，多本經典。

大師以此次內觀，本爲贊助統一，力謀共和之實現。目睹中原箕豆相煎，干戈不息，民

生開敵，實堪抱痛。旋聞盧永祥、張宗昌擁兵南下，與孫傳芳、齊燮元在江、浙方面，又將有戰事，以爲中國生靈塗炭，已達極點。非但元氣凋喪，國本瀕於動搖。乃於五月分電孫、張，請勿以兵戎相見。如蒙採納，則願勉作調人。更分電張垣馮玉祥督辦，天津李景林督辦，祈請竭力出任調停，以期達到和平目的。

農曆二月，大師抵北平休息旬餘，在雍和宮法輪寶殿，傳授喇嘛三昧耶戒，兼傳無量壽佛灌頂法，綠度母，及時輪簡誦等開示，聽經者極一時之盛。

是年農曆三月逢間，於前三月應孫傳芳督軍之請，由京搭車先至上海，下榻於外交大樓。信宿方轉車杭州，假西子湖邊楊公館爲駐錫之所。朝拜靈隱寺，傳授無量壽佛灌頂法。僧俗歡宴，周旋終日。更授男女佛教信徒，以南無噶嚕吽，南無不囉呀，南無嚩嗎呀，南無三嗎呀，譯意卽皈依上師，皈依佛。皈依法，皈依僧。次日坐船游湖，覽雷峯之勝，賞葛嶺之幽，弔岳王於湖畔，訪白公於堤側。乘曉出遊，入夜方歸。

越日應孫督軍之請，參觀兵營，野外操練，直類大威德金剛，持戟張牙，演降魔法也。未幾復轉上海寓廬，旋改乘輪船，朝拜普陀，初駐前寺，休息四日，中寺後寺各留三日。當大師擬定朝拜觀音頂之日，早晨大霧垂壑，五步之內，莫辨東西，衆僧均有難色，因無人能上下也。待大師法駕起行，將陟山頂時，霧忽大開，雲淨天晴，風靜水明，後寺衆僧，咸相驚贊，以爲靈感逾常，嘆爲殊勝。乃將南海縹流，盡數邀集，攝影紀念。并於各寺佛像前，

供獻吉祥哈達，傳授無量壽佛灌頂法。仍回上海；旋赴靜安寺參觀竟日，即乘專車抵濟南。張宗昌督軍，假新成飯店爲招待所，歡款三日，始回北京。是時已屆農曆後三月下旬矣。

五月六日，乘專車赴太原，在前寓駐數日，即由大同乘轎赴五台山避暑。閻督軍派員招待，設行轅於菩薩殿內。一時蒙古僧俗來禮拜者，不可勝數。大師乃發願閉關奉白度母經。蓋誦此經時，一日不准食飯，惟晚間進素餐一次；除一侍者外，他人均不得擅入房中，大師亦不得自出於房外，惟日夜坐於房中，法鼓金鐺，與梵唄相互應耳。經二十一日之久，方告圓滿。蓋經法如此，亦苦修中之一行也。旋即遍歷各殿，瞻拜各佛像，供獻大銀燈，及絲緞花袍，吉祥哈達，香花水菓等。計在五台山居駐，已三月餘，期間雖短而功德無量。

八月一日段祺瑞執政，明令冊封以「宣誠濟世」四字，并賜金冊印。

迨中秋節由五台山返太原，未幾由太原復返北京。是時適奉直戰後，青燐白骨，觸目傷心。大師以慈悲救主，何忍坐視，遂在中南海設壇超荐雙方陣亡諸將士。佛心救世，無間幽冥，惟我大師真足當之無愧。

★

★

★

民國十五年丙寅四月，吳佩孚在漢口受十四省擁戴組織討賊聯軍總司令部，與蘇、皖、贛、浙、閩五省聯軍總司令孫傳芳主張依照憲法，應由顏惠慶內閣攝政，以期合法政府，早日觀成。國事前途，自易解決。九日國民軍包圍執政府，段祺瑞避入東交民巷，北京各團體

組織京師臨時治安會。是時奉軍業已入關，聯軍又整裝待命，大有箭在弦上，一觸即發之勢。大師曾於五日通電各國，願助和平實現，并派却本堪布攜張翻譯謁吳總司令於軍次。北奔南走，幾經磋商，直至五月十二日張、吳兩總司令復由張宗昌之極力疏通，會晤於北京，和衷協商，請顏惠慶內閣復職。大師復呼籲和平，希望從速鞏固中樞，以負內政外交之責，免貽笑柄，措詞警婉。旋接孫傳芳、陳嘉謨、鄧如琢、李定魁、寇英傑、張之江、宋哲元、胡維德、閻錫山、張作霖、吳佩孚、顏惠慶先後復電，均表贊揚。七月間，因各方推挽，顏閣已經復職，負箠國鈞矣。

九月十五日，在中南海瀛台爲僧俗男女居士傳授無量壽佛成就灌頂大法，一時參加聽經者，多爲國內名流及學術家。派阿旺敬巴代表赴成都謁川軍政當局，并組織駐川辦事處。

十月乘專車，經過天津與張作霖相晤，即轉奉天，寓黃寺後樓，莫德惠省長，派李少白爲招待處長。東蒙古大罕王、突厥突王、溫都王、札薩突王等各王公，均來拜謁。是時啓建之無量壽佛灌頂法會特多。

★

★

★

民國十六年丁卯春，清廢帝溥儀在奉天會晤大師。

五月十三日，大師到達拉罕旂之遼源溫都（即楊王）王府，駐兩月，乃赴溫崗子溫泉沐浴。駐旅館二十餘日，回黃寺。七月復應溫都王之敦請，由沃和村下火車轉至旂下所管之拉